



UKA 2018/7  
12. november 2018  
Bentiaraq Ottosen

## **2019-mut aningaasanut inatsisissatut siunnersuut.**

(Aningaasaqarnermut Naalakkersuisoq)

(Aappassaaneerinnineq)

Atassummiit 2019-mut aningaasanut inatsisissatut siunnersuut tunngaviatigut isumalluarfigaarput, tassami aningaasarsiornitta saniatigut aalisarnejq nunami imaanilu suliffissanik ataavartunik pilersitsiviunissaa pingaaruteqarmat. Aningaasaqarnikkut unammillernartup aqqaniitilluta annertuumik isumalluarnartunillu suliassaqaarnitta takutippaa qanoq siunissami qularnaarinnilluta imminut pilersornerunissatsinnik isummernissarput. Avammut tunisassiornikkut pitsaanerusumik inissisimanissarput pingaaruteqaqaaq, taamaattumik Aningaasaqarnermut Akileraartarnermullu Ataatsimiisitaliap isumaliutissiissutaa isumaqarpugut pingaaruteqarluinnartuusooq.

### **Aningaasanut inatsisissatut siunnersuut isumalluarfigaarput**

Aningaasanut inatsisissatut siunnersuut aappassaaneernejqannginnermini aningaasaqarnermut akileraartarnermullu ataatsimiisitaliap isumaliutissiisummini imarisai naappertuulluinnarput, isumaqarpugut tamanna inuiaqatigiinni isumalluarnartoqartoq. Pisariaqarpoq inatsisartuni ataatsimoornissarput, nunatta aningaasaqarnera ilorraap tungaanut suli annertusartuarnissaanut aqqutissiuussinissarput minnnerunngitsumillu siunissami qinikkat innuttaasullu sanaartugassassanut akissaqartikkumallugit kissaaterpassuinnat naammassinniarnissarput.

Atassummit 2019-mut aningaasanut inatsisissatut siunnersuuttip maanakkut killifia tunngaviatigut isumaqatigaarput, isumalluarfigalugulu. Periarfissalli ilagivaat, Sanaartornikkut, Inuusutissarsiutitigut siuarsaanikkut naleqqussaanissaaq, ilorraalli tungaanut aningaasarsiornitsinnut nammineq pilersornissatsinnik suli nukittuneraluta ingerlanissatsinnut. Tamakkuli ineriartorteqqinnissaanut iluaqutaasumik timitaliinitsigut suliat anguneqarnissaat pillugit ingerlateqqinneqartut siunissami iluaqutaalluarumaarnerat isumaqatigilluinnarparput.

Suliffeqarfiit akileraarutaasa siunissami annertuumik apparnissaat naatsorsuutigineqassaaq, tassami nunatsinni ineriartortitsitineq anguniarlugu suliffeqarfiit akileraarutaasa appaavigineqarnissaat suliffeqarfimmut aningaasaqarnikkullu peqqinnartumik nunatsinnut iluaqusiinissaat anguneqarsinnaasoq naatsorsuutigigatsigu.

Kommunit oqartussaaffimmik tuniniarneqarnerat annertuumik alloriarnerussaaq, uani isumaliutissiisummi allaqqasoq malillugu isumaqarpugut orniginarnerpaajussasoq aningaasatigut aamma Kommunit annertuumik nalimmassarnejqassammata. Suliffissaaleqisut minnerpaamik 5%-i ataaniilernissaat ukiuni tulluuttuni anguniagassaraarput. Nunatsinnimi kinguneqartussaammat



alloriarnermik annertuumik unammilleqatigiinnerup aqqani inissisimalertilluta, taamaammat uani qinigaaffimmi suliffissaaleqisut 5%-i ataaniilernissaat Atassummit annertuumik sulissutigerusupparput.

Akilerartarnikkut nalimmassaaqinnissaq anguniarlugu annertuumik suliassaqarpugut, siunissaq ungasinnerusoq inuiaqatigiinni akilerartarnikkut pitsaanerusemik peqqinnarnerusemillu akilerarusersuinissatsinnik suliaqarnissarput pinngitsoorneqarsinnaanngilaq. Atassummit oqarpugut siunissaq ungasinnerusoq eqqarsaatigalugu akilerarutitigut appaanissaq siunertarinqassasoq, ullumikkummi inuiaqatigiit akornanni avaqqunneqarsinnaanngilaq suliffissaqartitsiniarnissaq

Aningaasaqarnermut akilerartarnermullu ataatsimiisitaliap isumaliutissiisutaa tamakkiisumik taperserparput.

Taamatut oqaaseqareerluta, una siunnersuut pingajussaaneerreqartigani Aningaasaqarnermut Akilerartarnermullu ataatsimisiitaliamut innersuupparput.